

Fabri, Felix: Evagatorium in Terrae Sanctae, ..., ed. v. C.D. Hassler, Bd. 2, 1843,  
enthaltend fol. 183A–291B von Bd. 1 des Autographs (19 555-1) und fol. 2a–74a von  
Bd. 2 des Autographs (19 555-2)

zu Bild Nr.

0738

0736

0742

0732

0747

quievimus ibi usque mane sic in vestibus, nisi quod ocreas  
et calceamenta deposuimus.

0727

De ascensu peregrinorum in montes Engaddi, et de  
quodam jocundo casu F. F. F.

0787

Duodecima die surgente sole et nos solo prostrati capita  
levavimus, dulcem enim somnum et quietem habuimus, quia  
fessi eramus, et cum hoc in tuto et seculo ac mundo loco  
fuimus. Porro Ameth, ductor noster, videns diem claram  
clamavit, adhortans nos ad celerem montium ascensum, an-  
tequam sol incalesceret. Cum festinantia ergo disposuimus  
nos. In ipsa autem dispositione ad iter accidit mihi aliquid,  
quod, quamvis sit puerile et nullius momenti, est tamen jo-  
cundum, et volui evagatorio meo factum inserere, quia, ut  
promisi in principio evagatorii fol. 2., non solum seriosa, sed  
et jocunda et puerilia recitare placuit. Resedi ergo, et in-  
duendo calceamenta laboravi (243 A). Erant enim calcea-  
menta mea stricta satis, ita quod non potui nec detrahere  
nec induere nisi vi et labore, et fuerunt de corio pretioso,  
gilbo et molli, longa sursum usque ad genua, quasi ocreae.  
Ita etiam alii milites calceati erant, et fuerunt illa calceamenta  
nobis pro caligis et ocreis. Accepto ergo dextro calceo ad  
pedem cum impetu traxi fortiter; cum autem cum pede essem  
intus, sensi sub pedis planta coagulum humidum et aliqualiter  
solidum, et obstupui, timens, ne forte aut scorpio, aut bufo,  
aut serpens complexus calceum intrasset, praesertim cum  
mihi videretur, quod motum palpitantis bestiae sub planta  
sentirem. Et quamquam pedis intoxicationem timerem, non  
tamen detraxi calceum, quia omnes alii jam in asinis sedeabant  
et ascendebant, post quos solus manere formidabam. Fortiter  
tamen pedem super lapidem pressi, ut bestiam interimerem,  
et ita mulam meam ascendi non sine timore periculi veneni.  
Interea in ascensu ad strictum quandam et praecipitem tran-  
situm venimus, per quem unus post alium lento gradu propter  
casum bestiae adscendit, nec potuit unus post alium statim  
procedere, sed oportebat exspectare omnes infra existentes,  
quoque praecedens totaliter ascendisset. In illo ergo loco

0237

Ende

Anfang

